

Tuikiû Sêngsék ê Sîngióng

6 Sớ, lán m̄ thang thêngliū tī koanhē Kitok ê kipún kàuḡ, tiòh kèsiók hiòng chêng, tuikiû oânchoân sêngsék ê sîngióng; lán m̄ bián koh tiôngsin kiànlp sîngióng ê kinki, 2 chhiūⁿ kóng hóekái hiahê ē tìkàu sîbông ê hêngûi, sìn SiōngChú, sélé, ànchhiú lé, sílàng kohoáh, kah éngoán ê símphòⁿ téngténg ê kàsi. 3 SiōngChú nā ínchún, goán tòh beh áne chò.

4 Tùi hiahê bat hō SiōngChú ê kng chiòtiòh, bat tam tiòh siókthiⁿ ê insù ê chubī, mā ū hunhióng kòe Sènglêng, 5 koh bat thégiam kòe SiōngChú òegí ê bísian, kah láisè ê koánlêng ê lêng, 6 in āulái nā pòekàu, tòh bô hoattō hō in tiôngsin hóekái. Inūi in kā SiōngChú ê Kiáⁿ koh têng tī sípjìkè téng, kongjiân kā l bújiók. 7 Tú chhinchhiūⁿ chít tè thótē putsī teh khipsiu tùi thiⁿ lòh lái ê hōchúi, i nā sengsán chhut tùi chohsitlàng ū lōēng ê chhaise, tòh ē tit ·tiòh SiōngChú ê chiokhok. 8 M̄ koh, i nā seⁿchhut chhìphè kah chápcháu, tòh bô lōēng, ē sūsí hō lêng chiùchó, kiatkiók tòh sī hông pànghóe sio.

9 Sớ thiàⁿ ê hiaⁿtī chímōe ah, goán sujiân áne kóng, m̄ koh, goán khaksìn lín ê chêngheng ē pí goán sớ kóng ê khah hó, lín ē tàng titkiù. 10 Inūi SiōngChú pēng m̄ sī bô kongtō ê, l ittēng ē kítit lín sớ chò ê kang, kah lín ūi tiòh l ê miá, kèsiók teh hóksāi sìnô ê sī, tùi l sớ piáuhiān ê thiàⁿsim. 11 Góa ài lín ták lêng póchhī kángkhoán ê jiátsim, títkau chòeāu, thang hō lín sớ òngbāng ê oânchoân sithiān. 12 Lín mā m̄ thang pîntōaⁿ, tiòh óh hiahê thongkòe sìnsim kah nāisim lái sêngchiap SiōngChú èngún ê lêng.

SiōngChú Khaksit ê Èngún

13 SiōngChú èngún Abulahàm ê sī, inūi bô pí l khah tōa ê thang kí lái chiùchōa, sớ l tòh kí kakī chiùchōa kóng:

14 Góa ittēng beh sù hok hō lí,

追求成熟 ê 信仰

6 所以，咱 m̄ thang 停留 tī 關係基督 ê 基本教義，tiòh 繼續向前，追求完全成熟 ê 信仰；咱 m̄ 免 koh 重新建立信仰 ê 根基，2 像講悔改 hiahê ē 致到死亡 ê 行為、信上主、洗禮、按手禮、死人 koh 活，kah 永遠 ê 審判等等 ê 教示。3 上主若允准，阮 tòh beh áne 做。

4 對 hiahê bat hō 上主 ê 光照 tiòh，bat tam tiòh 屬天 ê 恩賜 ê 滋味，mā 有分享過聖靈，5 koh bat 體驗過上主話語 ê 美善，kah 來世 ê 權能 ê 人，6 in 後來若背教，tòh 無法度 hō in 重新悔改。因為 in kā 上主 ê Kiáⁿ koh 釘 tī 十字架頂，公然 kā 祂侮辱。7 Tú 親像一塊土地不時 teh 吸收 tùi 天落來 ê 雨水，它若生產出對作穡人有路用 ê 菜蔬，tòh ē 得 tiòh 上主 ê 祝福。8 M̄ koh，它若生出刺 phè kah 雜草，tòh 無路用，ē 隨時 hō 人咒詛，結局 tòh 是 hông 放火燒。

9 所疼 ê 兄弟姊妹 ah，阮雖然 áne 講，m̄ koh，阮確信 lín ê 情形 ē 比阮所講 ê khah 好，lín ē tàng 得救。10 因為上主並 m̄ 是無公道 ê，祂一定 ē 記得 lín 所做 ê 工，kah lín 為 tiòh 祂 ê 名，繼續 teh 服事信徒 ê 時，對祂所表現 ê 疼心。11 我 ài lín ták 人保持全款 ê 熱心，直到最後，thang hō lín 所 òng 望 ê 完全實現。12 Lín mā m̄ thang pîntōaⁿ，tiòh 學 hiahê 通過信心 kah 耐心來承接上主應允 ê 人。

上主確實 ê 應允

13 上主應允亞伯拉罕 ê 時，因為無比祂 khah 大 ê thang kí 來 chiùchōa，所以祂 tòh kí kakī chiùchōa 講：

14 我一定 beh 賜福 hō 你，

koh beh kethiⁿ chēchē kiáⁿ sun hō lí.²⁰

15 Abulahàm nāisim tánthāi, sói ū tit tiòh SiōngChú só èngún ê. 16 Inūi lāng lóng sī kí pí kakī khah tōa ê lâi chiùchōa, mā ēng chiùchōa chò póchèng, lâi káikoat lāng kah lāng chi kan ê chenglūn. 17 SiōngChú ài hiahê sēngchiap èngún ê lāng khaksit chai l ê kèoe bē káipiàn, sói tòh ēng chiùchōa chò póchèng. 18 SiōngChú ê èngún kah chiùchōa éngoán bē káipiàn, inūi l bē kóng pēhchhát. Sói thongkòe èngún kah chiùchōa, SiōngChú hō lán chiahê tôcháu khi kiū l póhō ê lāng, ē tàng tit tiòh kéktōa ê kólē, lâi chhîsiú tī lán thâuchēng ê ñgbāng. 19 Lán ū chitê ñgbāng, tòh chhinchiūⁿ lēnghún ê tiāⁿ pha tī Chisèngsó ê tiūⁿ lí lâi, anchoán koh khókhò. 20 lésu chiáⁿ chò lán ê sianhong, íkeng ūi lán jíp khi hia, koh chiàu Malkichetek ê théhē, chiáⁿ chò éngoán ê tōachèsi.

koh beh 加添 chēchē kiáⁿ 孫 hō你²⁰。

15 亞伯拉罕耐心等待，所以有得 tiòh 上主所應允 ê。 16 因為人 lóng 是 kí 比 kakī khah 大 ê 來 chiùchōa，mā 用 chiùchōa 做保證，來解決人 kah 人之間 ê 爭論。 17 上主 ài hiahê 承接應允 ê 人確實知祂 ê 計畫 bē 改變，所以 tòh 用 chiùchōa 做保證。 18 上主 ê 應允 kah chiùchōa 永遠 bē 改變，因為祂 bē 講白賊。所以通過應允 kah chiùchōa，上主 hō 咱 chiahê 逃走去求祂保護 ê 人，ē tàng 得 tiòh 極大 ê 鼓勵，來持守 tī 咱頭前 ê ñg 望。 19 咱有 chitê ñg 望，tòh 親像 靈魂 ê 碇拋 tī 至聖所 ê 帳簾內，安全 koh 可靠。 20 耶穌成做咱 ê 先鋒，已經為咱入去 hia，koh 照麥基洗德 ê 體系，成做永遠 ê 大祭司。

²⁰ CSK 22:17

²⁰ 創 22:17